



# Synfocity = 794

mail us at : mzsinfo@gmail.com; mizoramsynod@gmail.com - Phone - 2314648

December 3, 2020

## ❑ **Synod Inkhawmpui**

Synod Inkhawmpui wawi 97-na chu Dec. 8 - 11, 2020 chhung hian Dawrpui Bialin thlengin, Dawrpui Kohhran Biak Inah neih a ni dawn a, hemi atan hian Synod committee peng hrang hrangte pawh an inbuatsaih chho mek a ni. Dec. 8 (Thawhlehi)-ah Nomination an thu ang a. Dec. 9 & 10 chhungin Rorel a ni ang a, Dec. 11 (Zirtawpni) chawhmaah Pastor nemngheh, Pro. Pastor dahngheh inkhawm leh Department Head 2 leh Minister Pension tur te thlah an ni ang a, chawhnuah Minister thi sunna leh Moderator Valedictory Sermon ngaihthlak a ni ang.

Hemi ni programme hi Hruaina Eng TV Channel leh Youtube-ah leh LPS 1 leh Zonet Zawlbuk-ah Live a tihchhuah tum a ni. Kumin Synod Inkhawmpuia hian zan lamah vantlang Pathian Biak Inkhawm a awm dawn lo a ni.

Kumin 2020 Synod Inkhawmpuia puipa turte chu heng te hi an ni :

Moderator	:	Rev. Dr. C. Lalhlira
Secretaries	:	Rev. Vanlalrova Khiangte (Sr.) Upa Lalrinmuana (Jr.)
Finance Officers	:	Rev. B. Sangthanga, Executive Secretary Rev. Lalramliana Pachuau
Statistician	:	Rev. J. Lalremsiama, Vaivakawn
Executive Secretaries	:	Rev. Lianhmingthanga Sailo Rev. K. Lalrinmawia

Synod Inkhawmpui hi kum 2010 atang khan Bial-in an thleng tan a, kumin 2020 hian Dawrpui Bialin Dawrpui Kohhranah an thleng dawn a ni.

Kumin Synod Inkhawmpui chu tunlai Hripui leng mek avangin kum dang angin hman a remchang dawn lova, chumi anih avang chuan Synod Executive Committee (SEC) meeting November 10 - 12, 2020 a neih chuan ruahmanna thar hetiang hian a siam a ni. SEC chuan Synod Inkhawmpui hun pawt tawin December 8 - 11, 2020 chhungin Dawrpui Kohhran Biak Ina neih turin a rel a. Synod Balai tur pawh ti tlemin - Synod Puipate, Synod Nomination Committee te, SEC member te, Pastoral Committee member te, Finance Committee member te leh Superintendent, Synod Office te chauh palai turin ruahmanna a siam a ni. He ruahmannaah hian Mizoram pawn lam palai chu tel lo tura ngaih an ni.

## ❑ **Synod Relief Fund**

Tun hnaia harsatna hrang hrang nei Phainuam khuaa vanduinaw tawh chhungkaw 1 hnenah Synod Relief Fund atangin chhawmdawlina Rs. 10,000/- pek a ni.

## ❑ **Bible Sunday**

Dec. 6, 2020 (Pathianni) hi Bible Sunday a ni a, Presbyterian Kohhran chuan Bible Sunday pualin inkhawm wawihnih neih tura ruahman niin Chawhnu inkhawmah thupui "Pathian thu chu a nung a, thil a ti thei" tih leh Zan inkhawm thupui "Pathian thu chu Pathian ralthuam, thlarau ngunhnam a ni" tih a ni.

Bible Sunday kan hman chhan chu Bible thehdarh kawngah intihchak tharna atan a ni a, a hman dan tur hi Bible Society of India, Aizawl Auxiliary Office lam atangin ruahman thin a ni a, chu chu Kohhran hrang hrangin kan zui thin. Bible Sunday ah hian Bible Society pualin Inkhawm wawikhat thawhlawm lakkhawm thin a ni bawh. Amaherawhchu Covid-19 Hripui leng mek avangin kum dang angin hman a remchang dawn ta lo a ni. Synod Officers' Meeting (OM) chuan Bible Sunday hmandan tur Circular (Circular No. 36 of 2020) hetiang hian a chhuah a ni.

***"Kohhran Inkhawm a neih theih loh avangin he Ni pawimawh tak hi Kohhran hoten chhungkuua a theih ang anga hman nise, Bible Society puala thawhlawm lakkhawm thin te hrerengin Kohhran mal tinin kan theih ang tawh lakkhawm ni se la, heng thawhlawm te hi Bible Society pual anih angin Bible Society kutah hlan tur a ni."***

☐ **Synod Mission Board leh ram pawn chet velna**

♦ Dec. 2, 2020 (Nilaini) thlenga Synod Mission Board hnuai Missionary leh an chhungte zinga Covid-19 kai zat leh Field hrang hrang dinhmun chu hetiang hi a ni:

Mipa 28 leh Hmeicthhia 40

Hrikai zat - 68

Enkawl lai - 6

Enkawl dam - 61

Thi - 1

**Field hrang hrang dinhmun:**

<b>Field</b>	<b>Hri kai</b>	<b>Enkawl mek</b>	<b>Dam</b>
Arunachal & Assam Mission Field (East)	6	0	6
Arunachal & Assam Mission Field (North)	5	0	5
Arunachal & Assam Mission Field (West)	16	1	15
Assam	2	0	2
Barak	6	0	6
Delhi	10	0	9
Karbi Anglong	2	0	2
Kolkata	1	0	1
Lucknow	1	1	0
Masihi Sangati	1	0	1
Nepal	4	3	1
Tripura	14	1	13
<b>TOTAL</b>	<b>68</b>	<b>6</b>	<b>61</b>

♦ **Jharkhand Mission Field**

Nov. 29, 2020 (Pathianni) khan ringthar 4 Lal Isua zui turin an inpe a, Kohhran dang atangin kan Kohhranah mi 3 an rawn lut bawk.

♦ **Arunachal & Assam Mission Field (East)**

Nov. 29, 2020 (Pathianni) khan field huam chhung hmun hrang hrangah ringthar 12 Lal Isua zui turin an inpe.

♦ **Assam Mission Field**

Nov. 29, 2020 (Pathianni) khan ringthar 3 Lal Isua zui turin an inpe.

☐ **KTP**

Central KTP buatsaih TV kaltlanga rawngbawlina 'Pathian Hnaih crusade' chu Nov. 29 - Dec. 1, 2020 chhung khan Chanmari Kohhran Hall-ah neih a ni. Pathian Hnaih crusade-ah hian Rev. Lalzuithanga, Rev. Remlalfaka leh Pu Malsawmthara te speaker-a hman an ni.

'Pathian Hnaih' crusade hi chawlhkar khat awha buatsaih tum a nih mek laiin, hrileng avanga lockdown puan a nih tak avangin hun remchang dang atan inruahman a ni. Lockdown a zawh hnuah, Nov. 29 - Dec 1, 2020 chhung khan Chanmari Kohhran Hall-ah neih a ni ta a ni. Crusade chhung hian speaker ten 'Pathian Hnaih' tih thupuia hmanga thu an sawi bakah, zaithiam - Cindy Lalthanpuui, R. Lalrinmawii, Fiona Lalmalsawmi, Melody Lalzirliani, Zoramchhani, Wendy Zaithanpuui, H. Lalremruati, C. Lalrindiki, Andrew K. Lalchhandama, Lalfamkima, Isaac Lalhruaitluanga, David Vanlalpeka te zai ngaihthlak a ni bawk.

☐ **Synod Revival**

Synod Revival Committee chuan Aizawl khawpui pawn, District Capital leh khaw lian deuh deuh remchang laiah Revival Speaker-te rawngbawltu a hmangin Street Preaching nei turin hma a la mek a ni. Dec. 9 - 13, 2020 leh Dec. 23 - 27, 2020 chhungin Synod Revival Committee buatsaihin Live TV Crusade Ram pum huap buatsaih tura ruahmanna kalpui mek a ni bawk.

☐ **Hruaina Eng FM Radio**

**DECEMBER 4, 2020 (FM Zoawi - Aizawl & Lunglei @ 7:30 p.m.):**

**Solo :** K. Vanlallawmi - Rangkachak hmun ropui, **Zaipawl :** Dawrpui Bial Zaipawl - Vanram mawiah,

**Thusawi :** Rev. Rosiamliana Tochwawng - Lusun mangan, **Solo :** Julie Remruatpuui - Kan van kawng

a lo hawng ta, **Zaipawl :** Chhinga Veng Kohhran Zaipawl - Enteh Van Khawpui

☐ **Susamachar Prasaran Programme :**

**DECEMBER 6, 2020 (Pathianni) 5:00 pm. :**

- Group/Choir/Solo** : Chhinga Veng Masihi Sangati - Isu Bula Raha Hai  
**Group/Choir/Solo** : Masihi Sangati Bungkawn Vengthar - Aaja Prabhu  
**Sermon** : Zohmingthanga - Prabhu Yesu Hamare Vishram Sthal  
**Group/Choir/Solo** : Sihphir Bial - Me Akhen Apni  
**Group/Choir/Solo** : Chanmari Masihi Sangati - Mein Ankhein

**Kohhran Pavalai Pawl Hriattirna**

Synod Executive Committee (SEC) 287:39 Nov. 10 - 12, 2020 chhunga neih chuan Kohhran Pavalai Pawl (KPP) Bial/Presbytery/ Ram Pum huapa programme neih thin chu a sapawng a "Meet" ti tawh lovin mizo tawngin "Intawkhawm" tih tawh tur a ni a. Hei hi Kohhran Pavalai Pawl ten ngai pawimawh a, zawm nghal ni se a tha ang e.

**MISSIONARY TRAINING COLLEGE HRIATTIRNA**

Missionary Training College(MTC)-ah Bachelor of Missiology (B. Miss) zir duh tan dil theih a ni leh ta. Dilna Form leh Prospectus hi Rs. 50/- in Office hun chhungin MTC Office atangin lak chhuah theih a ni e.

- Dil thei chin** : CI-XII pass chin  
**Dil theih hun chhung** : November 15, 2020 - February 8, 2021  
**Entrance Test** : February 23, 2021 (9:30 AM @ MTC)  
**Interview** : February 25, 2021 (10:30 AM @ Synod Committee Room I)

*Sd/-*, Principal

Missionary Training College

Mission Vengthlang

Ph. No. : 2310157/2301337/9612164982

**SYNOD BOOKROOM BOOK NEWS FOR THE MONTH OF DECEMBER 2020**

- |  |                  |
|--|------------------|
| 1. <b>Nitin Lalpa nen</b> : Lalremruati Tlau                   | <b>Rs. 150/-</b> |
| 2. <b>Rom Lekhathawn Theology</b> : Rev. Laldintluanga         | <b>Rs. 250/-</b> |
| 3. <b>Isua au hla</b> : Upa Lalnunpuia Hrahsel                 | <b>Rs. 200/-</b> |
| 4. <b>Chhandam nih inhriatna</b> : Rev. Vanlalchhunga          | <b>Rs. 100/-</b> |
| 5. <b>I nun buai ching fel rawh</b> : Rev. Lalbiakhlira        | <b>Rs. 200/-</b> |
| 6. <b>Thuthlung Thar bih chianna</b> : Rev. P.C Nghaklianmawia | <b>Rs. 250/-</b> |
| 7. <b>Mi ropui i ni</b> : Upa Lalnunpuia Hrahsel               | <b>Rs. 200/-</b> |
| 8. <b>Kawng</b> : Lalremmawia                                  | <b>Rs. 200/-</b> |
| 9. <b>Screwtape-a lehkha</b> : Michael Zorinpuia lehlin        | <b>Rs. 100/-</b> |
| 10. <b>Hnehna Hlado 8</b> : Vanneitluanga                      | <b>Rs. 150/-</b> |
| 11. <b>Moshe Dayan</b> : H. Lalngurliani lehlin                | <b>Rs. 200/-</b> |
| 12. <b>Mizoram a ralmuang em?</b> : Zohmingthanga              | <b>Rs. 300/-</b> |
| 13. <b>Duhlian tawng Mizo tawng</b> : C. Lalhluna              | <b>Rs. 250/-</b> |
| 14. <b>Mizo tawng khawvel</b> : St. Xavier's College, Lengpui  | <b>Rs. 250/-</b> |
| 15. <b>Literature zunleng</b> : Prof. K.C. Vannghaka           | <b>Rs. 250/-</b> |
| 16. <b>Tidamtu rimawi</b> : Lalrammuana Sailo                  | <b>Rs. 150/-</b> |
| 17. <b>Mizo thawnthu Vol. XI&amp;XII</b> : Lalhmachhuana Zofa  | <b>Rs. 100/-</b> |
| 18. <b>Ka nun kawng leilawn</b> : Zohmingthanga                | <b>Rs. 300/-</b> |
| 19. <b>Chin Mizo chanchin</b> : Jem. Thawnglinga               | <b>Rs. 400/-</b> |
| 20. <b>UK Zofate thukhawchang</b>                              | <b>Rs. 350/-</b> |

Students' Helpline : 9856883377



Synod Information & Publicity  
Phone - 2314648

Youtube channel : Synod Information

**Synfo**